



Broj: 01-16-4-774-10/15  
Sarajevo, 21.04.2015. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-774-1-7/15, od 20.04.2015. godine, donosi sljedeću:

## ODLUKU

### o izboru najpovoljnijeg ponuđača za nabavku tonera i kertridža

#### I

**Prihvata se** Preporuka Komisije za nabavke, broj: 01-16-4-774-1-8/15, od 20.04.2015. godine da se ponuđač **KMC d.o.o. Banja Luka**, prvi na rang listi prihvatljivih ponuda, izabere za najpovoljnijeg ponuđača za nabavku tonera i kertridža.

**Dodjeljuje se** Okvirni sporazum o kupoprodaji tonera i kertridža izabranom ponuđaču KMC d.o.o. Banja Luka, ponuda broj: 392/15 od 14.04.2015. godine, za ponuđenu cijenu od 6.959,20 KM bez PDV-a.

#### II

**Odbacuje se** ponuda ponuđača Ecoton d.o.o. Sarajevo, jer nije potpuna i ne ispunjava zahtjeve iz tenderske dokumentacije.

**Odbacuje se** ponuda ponuđača Printerpapir d.o.o. Sarajevo jer je ponuđač dostavio nepotpune dokaze tražene tenderskom dokumentacijom.

**Odbacuje se** ponuda ponuđača SK Tradeing d.o.o. Sarajevo, jer nije potpuna i ne ispunjava zahtjeve iz tenderske dokumentacije.

#### III

Okvirni sporazum o kupoprodaji tonera i kertridža će se dostaviti na potpis izabranom ponuđaču po isteku roka od 10 (deset) dana od dana dostavljanja obavještenja o izboru najpovoljnije ponude svim učesnicima postupka nabavke. Okvirni sporazum će se zaključiti na period od 12 (dvanaest) mjeseci i do vrijednosne realizacije.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što bude obaviješten od strane ugovornog organa o rezultatima postupka nabavke, a prema tački 13.1 tenderske dokumentacije.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti u dijelu koji se odnosi na izbor najpovoljnijeg ponuđača i dodjelu Okvirnog sporazuma.

#### IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH.

## V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, [www.mhrr.gov.ba](http://www.mhrr.gov.ba) i istovremeno uputiti svim ponuđačima koji su učestvovali u postupku javne nabavke.

## VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

### Obrazloženje

Postupak javne nabavke tonera i kertridža je pokrenut Odlukom o pokretanju postupka nabavke tonera i kertridža, broj: 01-16-4-774/15 od 27.03.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 38.461,54 KM bez PDV-a. Obavijest o nabavci, broj: 679-7-1-5-3-4/15 objavljena je dana 30.03.2015. godine na Portalu javnih nabavki.

Konkurentski zahtjev za dostavu ponuda za nabavku tonera i kertridža je proslijeđen sljedećim ponuđačima: Franex Trade d.o.o. Sarajevo, Printerpapir d.o.o. Sarajevo Antonio Commerce d.o.o. Mostar, dok su tendersku dokumentaciju preuzeli sljedeći ponuđači: Elkom d.o.o. Vitez, Defter d.o.o. Sarajevo, Gataric d.o.o. Derventa, Baglama d.o.o. Sarajevo, SNEA d.o.o. Sarajevo, Primaprom d.o.o. Banja Luka, Svjetlostkomerc d.d. Sarajevo, Alf-Om d.o.o. Banja Luka-Poslovnica Istično Sarajevo, Ecoton d.o.o. Sarajevo, KMC d.o.o. Banja Luka i SK d.o.o. Sarajevo.

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je dana 20.04.2015. godine Zapisnik o pregledu i ocjeni ponuda, broj: 01-16-4-774-1-7/15 i Preporuku o izboru najpovoljnijeg ponuđača, broj: 01-16-4-774-1-8/15, u postupku javne nabavke tonera i kertridža.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 8 (osam),
- da je blagovremeno zaprimljeno 8 (osam) ponuda,
- da nije bilo neblagovremeno zaprimljenih ponuda,
- da je dat prijedlog da se 3 (tri) ponude odbace,
- da je ponuda KMC d.o.o. Banja Luka prva na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

1. KMC d.o.o. Banja Luka	6.959,20 KM bez PDV-a,
2. Defter d.o.o. Sarajevo	6.974,40 KM bez PDV-a,
3. Primaprom d.o.o. Banja Luka	7.839,00 KM bez PDV-a,
4. ALF-OM d.o.o Banja Luka- Poslovnica I. Sarajevo	13.230,80 KM bez PDV-a,
5. Svjetlostkomerc d.d. Sarajevo	20.905,17 KM bez PDV-a.

Na osnovu utvrđene rang liste prihvatljivih ponuda, na prvom mjestu se nalazi ponuda ponuđača KMC d.o.o. Banja Luka u iznosu od 6.959,20 KM bez PDV-a.

Obzirom da je procijenjena vrijednost nabavke prema tenderskoj dokumentaciji iznosila 38.461,54 KM bez PDV-a, Komisija za nabavke je utvrdila da je potrebno od ponuđača KMC d.o.o. Banja Luka tražiti obrazloženje neprirodno niske ponuđene cijene. Imenovani ponuđač je u ostavljenom roku, dana 17.04.2015. godine, dostavio obrazloženje neprirodno niske cijene ponude u kojem navodi da je direktni uvoznik tonera i kertridža proizvođača Master Color, Retech, G&G, RYO, da se radi o zamjenskim tonerima i kertridžima koji su novi, nekorišteni i nedopunjavani i kojima je cijena znatno niža od originalnih tonera, te da nabavnu cijenu može potvrditi njihov dobavljač. Obzirom da u Obrascu za cijenu ponude robe Aneks 1. u tabeli „Oznaka tonera“ navedena oznaka ili ekvivalent, odnosno da ponuđač ne mora dostaviti ponudu za originalan proizvod već može dostaviti ponudu zamjenskih tonera i kertridža, Komisija je ocijenila da je ponuđač dostavio osnovano obrazloženje i da je isto prihvatljivo i u skladu sa zahtjevima iz tenderske dokumentacije.

Na osnovu člana 68. stav (1) i (4) tačka i) Zakona o javnim nabavkama, Komisija je utvrdila da je ponude Ecoton d.o.o. Sarajevo, Printerpapir d.o.o. Sarajevo i SK Tradeing d.o.o. Sarajevo potrebno odbaciti iz sljedećih razloga:

- Ponuđač Ecoton d.o.o. Sarajevo nije dostavio Obrazac izjave o podugovaranju- Aneks 7 i Obrazac izjave o obaveznoj primjeni preferencijalnog tretmana domaćeg- Aneks 8, koji su sastavni dio tenderske dokumentacije. Ponuda se odbacuje jer nije potpuna i ne ispunjava zahtjeve iz tenderske dokumentacije.

- Ponuđač Printerpapir d.o.o. Sarajevo - tenderskom dokumentacijom je traženo da ponuđač dostavi potvrdu poslovne banke o solventnosti, odnosno da u zadnjih 12 mjeseci, računajući period od datuma objavljivanja Obavještenja o nabavci, transakcijski račun nije bio blokiran. Imenovani ponuđač je dostavio Potvrdu o solventnosti transakcijskog računa kod Raiffeisen Bank d.d.-Glavna filijala Sarajevi/Agencija Hrasno, broj: 00490/15 od 26.02.2015. godine u kojoj se navodi da na dan 26.02.2015. godine račun Printerpapir d.o.o. Sarajevo nije blokiran i da nema zabranu raspolaganja sredstvima na transakcijskom računu. Obzirom da se iz ove potvrde ne može dokazati da je ponuđač bio solventan i da mu transakcijski račun nije bio blokiran „u zadnjih 12 mjeseci“, ista se ne može prihvatiti kao dokaz, kako je traženo tačkom 3.1.3. tenderske dokumentacije. Ponuda se odbacuje jer je ponuđač dostavio nepotpune dokaze tražene tenderskom dokumentacijom.

- Ponuđač SK Tradeing d.o.o. Sarajevo nije dostavio original ili ovjerenu kopiju originala dokaza o registraciji (tačka 3.1.2 tenderske dokumentacije); potvrdu poslovne banke o solventnosti ponuđača, odnosno da u zadnjih 12 mjeseci, računajući period od datuma objavljivanja Obavještenja o nabavci, transakcijski račun nije bio blokiran i bilans uspjeha za 2012. i 2013. godinu izdan od strane ovlaštene institucije (tačka 3.1.3 tenderske dokumentacije); kao ni dokaz da je ponuđač uspješno realizovao najmanje dva ugovora koja se odnose na predmet javne nabavke u prethodne dvije godine (ovjerena od strane nadležnog organa), od čega vrijednost svakog pojedinačnog ugovora nije manja od 15.000 KM (tačka 3.1.4 tenderske dokumentacije). Ponuda se odbacuje jer nije potpuna i ne ispunjava zahtjeve iz tenderske dokumentacije.

U postupku donošenja ove Odluke, posebno su cijunjene činjenice da je Komisija pravilno i potpuno izvršila ocjenu kvalificiranosti i ponude ponuđača KMC d.o.o. Banja Luka, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.


S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač KMC d.o.o. Banja Luka je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

**Uputa o pravnom lijeku:**

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.



**MINISTRICA**

**Semir Borovac**

Dostaviti:

- Ponuđači-svi,
- Odsjek za opće i pravne poslove,
- Odsjek za finansijsko-materijalne poslove,
- a/a.